



ՎԵՀԱՓԱՌ ՀԱՅՐԱՊԵՏԻ ԳԱՀԱԿԱԼՈՒԹՅԱՆ ՔՍԱՆՎԵՑԵՐՈՐԴ ՏԱՐԵԴԱՐՁԻՆ ՆՎԻՐՎԱԾ ՀԱՆԴԻՍՈՒԹՅՈՒՆ ՄԱՅՐ ԱԹՈՌՈՒՄ

Մեպտեմբերի 27, կիրակի. Տօն Վարագայ Սրբոյ Խաչի.

Այսօր Հայաստանյայց Առաքելական և սուրբ եկեղեցիներում, որ ի հայրենիս և ի սիրտուս աշխարհի, հանդիսավորությամբ և ավանդական շուքով նշվում է Ամենայն Հայոց Տ. Տ. Վազգեն Ա Սրբազնագույն կաթողիկոսի գահակալության քսանվեցերորդ տարեդարձը:

Ժամը 12-ին Հայոց Հայրապետը Վեհաբանից եկեղեցական թափորով առաջնորդվում է Մայր տաճար՝ ներկա լինելու ս. պատարագին և նախագահելու Հայրապետական մատթանքին:

Մայր տաճարի աջակողմյան և ձախակողմյան դասերում, առյաճում տեղ էին գրավել հայրապետական գահակալության առիթով Մայր Աթոռ ժամանած քաղաքից ուխտավորներ Արգենտինայից, ԱՄՆ-ից, Կանադայից, Ավստրալիայից, Լոնդոնից, Ժնևից, Կահիրեից, Դամասկոսից, Բելյուսից և այլ գաղթօջախներից, որոնք երկ-

յուղած բարեպաշտությամբ հետևում էին ս. պատարագին:

Ս. պատարագին ներկա են պաշտոնական այլ անձինք:

Օրվա սուրբ պատարագը մատուցում է Անգլիայի հայրապետական պատվիրակ և առաջնորդ Տ. Ներսես եպս. Պոզապալյանը, որն այս առիթով ժամանել էր Մայր Աթոռ:

Սուրբ պատարագին ներկա են նաև Մայր Աթոռի միաբանությունը, Գերագույն Հոգևոր Խորհրդի անդամները, Արարատյան թեմի առաջնորդական փոխանորդ Տ. Արսեն եպս. Բերբերյանը, հայրապետական գահակալության առիթով Մայր Աթոռ ժամանած Հարավային Ամերիկայի հայրապետական պատվիրակ և առաջնորդ Տ. Դավիթ եպս. Սահակյանը, Իրաքի հայոց թեմի առաջնորդ Տ. Ավագ ծ. վրդ. Ասատուրյանը, Դամասկոսի հայոց թեմի առաջնորդ Տ. Ոսկան ծ. վրդ. Գալթակ-

յանը, տիրուրից ժամանած քահանա հայերը:

Ս. պատարագին ներկա են ՀԱՍՏ Միսիստրների խորհրդին առնթեր Հայ Եկեղեցու գործերի խորհրդի նախագահ տիար Ռուբեն Պարսամյանն ու տեղակալ տիար Անդրանիկ Հասարայանը:

«Հայր Մեր»-ից առաջ պատարագի սրբազանը Առաքել վարդապետ Դավրիժեցու «Հայոց պատմություն»-ից վերցված «Քանգի ի վերայ Աշուն և սրբոյ Էջմիածնի ամենայն ազգն Հայոց կապեալ կայ» համազգային դավանանքի բնաբանով խանդավառ քարոզ է խոսում նվիրված Հայոց Հայրապետի քսանվեց տարիների հոգևոր, եկեղեցական, կրթական, մշակութային, շինարարական, հացբեռնասիրական, խաղաղասիրական ու միջեկեղեցական քեղմնավոր գործունեության մասին՝ շնչտևելով, որ հորեկար Հայոց Հայրապետը մեկն է մեր ազնվական ու անձնդիր կաթողիկոսներից, Որն Իր արի ու քարի ձեռքերում է պահում Ամենայն Հայոց Հայրապետության ծաղկալ ու օրհնյալ գալազանը, կոշումի և պարտքի խորունկ գիտակցությամբ, արժանանալով միաժամանակ ո՛չ միայն մեր ժողովրդի, որ ի հայրենիս և ի սփյուռս աշխարհի, այլ նաև քրիստոնեական Եկեղեցիների և պետական քարձր շրջանակների ուշադրության, խաղաղասիրական, ժողովուրդների եղբայրության, Եկեղեցիների ի Քրիստոս սիրո միության, ազգերի համագործակցության իր սրտատուշ ու բոլորակներ ջանքերով:

Քարոզից հետո, Հայոց Հայրապետի նախագահությամբ, Մայր տաճարում, Ավագ սեղանի ստյանում, կատարվում է Հայրապետական մաղթանք՝ Հայոց Հայրապետի կենաց արևշատության, Մայր Աթոռ Ս. Էջմիածնի անսասանության, Հայաստանյայց Առաքելական Եկեղեցու պայծառության, հայրենյալ քարօրության և հայ ժողովրդի միասնության սրտարուխ մաղթանքներով:

Ս. պատարագից հետո Հայոց Հայրապետն առաջնորդվում է Վեհաքան, ընդունելության դահլիճ, որտեղ շնորհավորանքներ է ընդունում Իր գահակալության բերկրառիթ տարեդարձի առիթով:

Ժամը 15-ին Գերագույն Հոգևոր Խորհուրդը, ի պատիվ Հայոց Հայրապետի ընդունելությունն է կազմակերպում՝ Նոր գահակալության քսանվեցերորդ տարեդարձի առիթով, Վեհաքանի սեղանատանը:

Ընդունելությանը ներկա էին Ս. Սիոն, Ս. Արսեն, Ս. Ներսես, Ս. Դավիթ սրբազանները, Ս. Ավագ և Ս. Ոսկան ծայրագույ վարդապետները, Մայր Աթոռի միաբանությունը, Գերագույն Հոգևոր Խորհրդի անդամները, Մայրավանքի պատասխանատու, ղեկավար աշխատողները:

Հրավիրյալների թվում էին Մայր Աթոռ քարերարներ տիկին Մարթա Դիարբեքիրյանը (Բուենոս Այրես), տեր և տիկին Օելեֆյանները (Ժնև), պարոն և տիկին Շիշմանյանները (Ժնև), տեր և տիկին Աբաջյանները (Բրյուսել), տեր և տիկին Տանձիկյանները (Բելյուր) և այլ հյուրեր: Ճաշկերույթի ընթացքում, որն անցավ սրտագին մթնոլորտում, Հայոց Հայրապետի գահակալության քսանվեցերորդ տարեդարձը ջերմ ելույթներով շնորհավորեցին Ս. Սիոն արքեպիսկոպոսը, տիար Ռուբեն Պարսամյանը, տիար Մկրտիչ Օելեֆյանը:

Վերջում Հայոց Հայրապետը Իր պատասխան խոսքում շնորհակալություն հայտնեց օրվա տոնի առիթով արտա հայտված անկեղծ ու ջերմ խոսքերի համար, օրհնեց ազգն ու Եկեղեցին, հայրենիքն ու ժողովուրդը:

Հայոց Հայրապետի գահակալության քսանվեցերորդ տարեդարձի առիթով կազմակերպված ընդունելությունն ավարտվում է Նորին Սուրբ Օծության գոհարանակալ աղոթքով ու «Պահպանիչ»-ով:

